

ერთი მხრივ, სსიპ „საქართველოს კომუნიკაციების ეროვნული კომისია“ (შემდგომში „შემსყიდველი“), წარმოდგენილი მისი თავმჯდომარის კახი ბექაურის სახით, და მეორე მხრივ, შპს „Multi Solutions Group“ (შემდგომში „მიმწოდებელი“), წარმოდგენილი მისი დირექტორის ერეკლე კალმახელიძის სახით, „სახელმწიფო შესყიდვების შესახებ“ საქართველოს კანონისა და ელექტრონული ტენდერის აუქციონის გარეშე - NAT170008690, სატენდერო დოკუმენტაციისა და პრეტენდენტის მირ წარმოდგენილი სატენდერო წინადადების თანახმად ვდებთ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) - „სახელმწიფო შესყიდვების შესახებ“ საქართველოს კანონისა და კანონქვემდებარე ნორმატიული აქტების საფუძველზე შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით, დამატებით და ასევე ყველა დოკუმენტაციით, რომლებზეც ხელშეკრულებაში არის მინიშნებული;
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3. „დღე“, „კვირა“, „თვე“ - კალენდარული დღე, კვირა, თვე;
- 1.4. „შემსყიდველი“ - ორგანიზაცია, რომელიც ახორციელებს მომსახურების შესყიდვას სახელმწიფო შესყიდვის შესახებ ხელშეკრულების შესაბამისად;
- 1.5. „მიმწოდებელი“ - იურიდიული პირი, რომელიც შემსყიდველს აწვდის მომსახურებას სახელმწიფო შესყიდვის შესახებ ხელშეკრულების შესაბამისად;
- 1.6. „მიღება-ჩაბარების აქტი“ - წერილობითი დოკუმენტი, რომელიც ფორმდება მომსახურების მიღების შემდეგ.

2. ხელშეკრულების საგანი

1. ა) 11 ცალი მართვადი მარშრუტიზატორის Juniper_ის 1 (ერთი) წლიანი ლიცენზია;
ბ) ქსელური უსაფრთხოების სიტემების Fortinet_ის 21 ცალი 1 (ერთი) წლიანი ლიცენზია;
გ) 120 მომხმარებლიანი ანტივირუსული პროგრამის SYMC ENDPOINT_ის განახლების 1 (ერთი) წლიანი ლიცენზია;
2. შესყიდვის ობიექტის დეტალური აღწერა მოცემულია დანართ N1_ში.

3. ხელშეკრულების ღირებულება

ხელშეკრულების ღირებულება შეადგენს 26 150 (ოცდაექვსი ათას ასორმოცდაათი) ლარს საქართველოს კანონმდებლობით გათვალისწინებული გადასახადის ჩათვლით.

4. მომსახურების დასახელება, ხანგრძლივობა რაოდენობა და ღირებულება

- 4.1. ლიცენზიების / მომსახურების მოქმედების ვადა - ხელშეკრულების ხელმოწერიდან 1 (ერთი) კალენდარული წელი.
- 4.2 ლიცენზიების რაოდენობა - დანართი N1_ის შესაბამისად.
- 4.3 მომსახურების ღირებულება პოზიციების მიხედვით - დანართი N1_ის შესაბამისად.

5. ანგარიშსწორების ფორმა და ვადები

- 5.1. შემსყიდველი მიმწოდებელთან ანგარიშსწორებას ახორციელებს ეროვნულ ვალუტაში, მიმწოდებლის მიერ მითითებულ საბანკო ანგარიშზე თანხის გადარიცხვით.
- 5.2. მიმწოდებელთან ანგარიშსწორება განხორციელდება მომსახურების მიღების / ლიცენზიების გააქტიურების თაობაზე მიღება-ჩაბარების აქტის შემსყიდველის და მიმწოდებლის მხრიდან ხელმოწერიდან და შესაბამისი ინვოისის ან ანგარიშ-ფაქტურის წარდგენიდან 7 (შვიდი) სამუშაო დღის ვადაში.

6. მომსახურების მიწოდების ვადები და პირობები

- 6.1. მიმწოდებელი უზრუნველყოფს შემსყიდველისთვის დანართი N1-ში მითითებული ლიცენზიების 1 წლის ვადით აქტივაციას.
- 6.2 აქტივაცია შესაძლებელია მოხდეს, როგორც აქტივაციის კოდის შემსყიდველზე გადაცემით, ასევე ელექტრონული ავტომატური განახლებით ვენდორის სისტემიდან.
- 6.3 ლიცენზიების გადაცემა უნდა მოხდეს ხელშეკრულების გაფორმებიდან არაუგვიანეს 5 (ხუთი) სამუშაო დღეში.
- 6.4. მომსახურება მიღებულად ჩაითვლება შემსყიდველსა და მიმწოდებელს შორის მიღება-ჩაბარების აქტის გაფორმების შემდეგ და ანგარიშგაქტურის ხელმოწერის ან დადასტურების შემდეგ. შემსყიდველის მხრიდან ლიცენზიების მიღება-ჩაბარებაზე ხელს აწერს აპარატის ინფორმაციული ტექნოლოგიების სამსახურის უფროსი ალექსანდრე ღლონტი.

7. სტანდარტები და გარანტია

- 7.1. მიმწოდებელი ვალდებულია უზრუნველყოს ხარისხიანი და სტანდარტების შესაბამისი მომსახურების მიწოდება.
- 7.2. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი მომსახურების დეფექტის ან ნაკლის აღმოფხვრა.
- 7.3. მიმწოდებლის მიერ ამ ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები დეფექტის ან ნაკლის გამოსწორებისათვის და მიმწოდებელს მოსთხოვოს შესაბამისი ხარჯების ანაზღაურება ან გამოქვითოს ეს თანხა მიმწოდებლისათვის გადასახდელი თანხიდან.
- 7.4 შემსყიდველზე გადაცემულმა ლიცენზიებმა 1 წლის განმავლობაში შეუფერხებლად უნდა უზრუნველყოს ლიცენზიებით გათვალისწინებული სერვისები.
- 7.5 ლიცენზიის მოქმედების პერიოდში, 1 წლის განმავლობაში, რაიმე ხარვეზის აღმოჩენის შემთხვევაში, მომწოდებელი ვალდებულია უზრუნველყოს ლიცენზიით გათვალისწინებული სერვისების აღდგენა არაუგვიანეს 3 (სამი) სამუშაო დღის ვადაში.

8. მხარეთა უფლება-ვალდებულებები

- 8.1. შემსყიდველი უფლებამოსილია:
- 8.1.1. ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი;
- 8.1.2. მომსახურების მიწოდების დასრულებამდე გამოითხოვოს მიმწოდებლისაგან მისთვის საჭირო დოკუმენტი.
- 8.2. შემსყიდველი ვალდებულია:
- 8.1.1. უზრუნველყოს მიმწოდებლისათვის მიღებული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;
- 8.1.2. უზრუნველყოს წარმომადგენლის გამოყოფა, რომელიც ზედამხედველობას გაუწევს პროცესს და საჭიროების შემთხვევაში, მიმწოდებელს გაუწევს შესაბამის კონსულტაციას.
- 8.3. მიმწოდებელი უფლებამოსილია მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.
- 8.4. მიმწოდებელი ვალდებულია:
- 8.4.1. მიაწოდოს სათანადო ხარისხის მომსახურება სრული მოცულობით.

9. ხელშეკრულებით ნაკისრი ვალდებულებების შესრულების კონტროლი (ინსპექტირება) და შემოწმება.

- 9.1. შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე ან/და შეამოწმოს მომსახურების შესაბამისობა ხელშეკრულებით გათვალისწინებულ მოთხოვნებთან.
- 9.2. ხელშეკრულებით ნაკისრი ვალდებულებების შესრულებაზე კონტროლის (ინსპექტირების) და შემოწმების განხორციელების უფლება ენიჭება შემსყიდველის აპარატის ინფორმაციული ტექნოლოგიების სამსახურის უფროსს ალექსანდრე ღლონტს, რომელიც არ იმყოფება მიმწოდებელთან

ინტერესთა კონფლიქტში სახელმწიფო შესყიდვების შესახებ კანონის თანახმად. შემსყიდველის მხრიდან ლიცენზიების მიღება-ჩაარებაზე ხელს აწერს აპარატის ინფორმაციული ტექნოლოგიების სამსახურის უფროსი ალექსანდრე ღლონტი.

10. პირგასამტეხლო ხელშეკრულების პირობების შეუსრულებლობისათვის

10.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეებს დაეკისრებათ პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.

10.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 1 (ერთი) პროცენტს, მხარე იტოვებს უფლებას შეწყვიტოს ხელშეკრულება და მოსთხოვოს მეორე მხარეს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

10.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

11. ხელშეკრულებაში ცვლილების შეტანა და ხელშეკრულების შეწყვეტა

11.1. ხელშეკრულებაში ნებისმიერი ცვლილების ან/და დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2. ხელშეკრულება შეიძლება შეწყდეს ვადაზე ადრე მხარეთა შეთანხმებით ან მოქმედი კანონმდებლობით გათვალისწინებულ შემთხვევებში.

11.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, აღნიშნულის თაობაზე მეორე მხარისათვის წერილობითი შეტყობინების შემდეგ.

11.4. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულების შესრულებისაგან.

11.5. შემსყიდველს, შეუძლია მიიღოს გადაწყვეტილება ხელშეკრულების შეწყვეტის შესახებ, ასევე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების ან/და ლიკვიდაციის შემთხვევაში;

გ) თუ მისთვის ცნობილი გახდა, რომ მიმწოდებლის მიერ წარმოდგენილი დოკუმენტაცია ყალბია;

დ) საქართველოს კანონმდებლობით გათვალისწინებულ სხვა შემთხვევაში.

11.6. ამ მუხლის 11.5. პუნქტის ა) ქვეპუნქტში მითითებულ შემთხვევაში შემსყიდველი ვალდებულია აუნაზღაუროს მიმწოდებელს ფაქტობრივად მიწოდებული მომსახურების ღირებულება.

12. გამოყენებული სამართალი და ხელშეკრულების ენა

12.1. ხელშეკრულება გაფორმებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

12.2. ხელშეკრულება დაიწერა ქართულ ენაზე, ორ ეგზემპლარად და ორივე ეგზემპლარს აქვს თანაბარი იურიდიული ძალა.

13. გადასახადები და დაბეგვრა

13.1. მიმწოდებელი პასუხს აგებს საქართველოს კანონმდებლობით დადგენილი გადასახადის, მოსაკრებლის და სხვა გადასახდელების გადახდაზე.

14. დაუძლეველი ძალა

14.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით.

14.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის შესახებ.

14.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

15. დავები და მათი გადაწყვეტის წესი

15.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, მხარეები უფლებამოსილნი არიან დავის გადასაწყვეტად მიმართონ საქართველოს შესაბამის სასამართლოს საქართველოს მოქმედი კანონმდებლობის შესაბამისად.

16. ინტერესთა კონფლიქტის თავიდან აცილება

16.1. წინამდებარე სახელმწიფო შესყიდვის მოსამზადებელ ეტაპზე შემსყიდველის მიერ გარკვეულია, რომ შემსყიდველის მიერ არ არის დარღვეული „სახელმწიფო შესყიდვების შესახებ“ საქართველოს კანონით განსაზღვრული ინტერესთა კონფლიქტის დებულებები.

17. ხელშეკრულების მოქმედების ვადა

17.1. ხელშეკრულება ძალაში შედის 2017 წლის 11 აგვისტოდან და მოქმედებს 2018 წლის 20 სექტემბრის ჩათვლით.

შემსყიდველი:

სსიპ „საქართველოს კომუნიკაციების
ეროვნული კომისია“
საიდ.კოდი: 204953050
მისამართი: ქ.თბილისი, ქეთევან
წამებულის გამზირი/ზოჭორმის ქ. №50/18
სს „თი ბი სი ბანკი“
ბანკის კოდი: TBCBGE22
ა/ა: GE11TB06000000609326

კომისიის თავმჯდომარე
კახი ბექაური

მიმწოდებელი:

შპს „Multi Solutions Group“

ს/კ 404 902 771

ა/ა GE21 TB73 9533 6020 1000 01

მისამართი: ქ. თბილისი, შატბერაშვილის 4/მოსეშვილის 24

ტელეფონი: +995 599 65 07 01

დირექტორი: ერეკლე კალმახელიძე

დანართი N1
ფასების ცხრილი

№	ლოცვნიის დასახელება	ბრენდი	მოდელი	ლოცვნიის რაოდენობა (ცალი)	1 (ერთი) წლიანი ლიცენზიის დირექტულ ღირებულება (ლარი)	1 (ერთი) წლიანი ლიცენზიის დირექტულ ღირებულება ჩათვლით (ლარი)
1	11 ცალი მარცხენი მარშრუტიზატორის 1 (ერთი) წლიანი ლიცენზია	Juniper	EX2200-48P-4G	1	400.00	400.00
			EX2200-48P-4G	1	400.00	400.00
			EX2200-48P-4G	1	400.00	400.00
			EX2200-48P-4G	1	400.00	400.00
			EX2200-48P-4G	1	400.00	400.00
			EX3300-24T	1	400.00	400.00
			EX3300-24T	1	300.00	300.00
			EX3300-24T	1	300.00	300.00
			EX3300-24T	1	300.00	300.00
			EX2200-C-12T-2G	1	200.00	200.00
			EX2200-C-12T-2G	1	200.00	200.00
2	1 Year AV, Web Filtering and Antispam Services	ქველური უსაფრთხოების სისტემა Fortinet	FortiGate 100D	2	2,300.00	4,600.00
				2	1,807.50	3,615.00
				2	1,500.00	3,000.00
				15	365.00	5,475.00
				6	ანტივირუსული პროგრამის განახლების 1 წლიანი ლიცენზია	SYMC ENDPOINT
					ჯამი	26,150.00

შემსყიდველი:

სსიპ „საქართველოს კომუნიკაციების
ეროვნული კომისია“
საიდ. კოდი: 204953050

კომისიის თავმჯდომარე
კახი ბეჟუაშვილი



მიმწოდებელი:

შპს „Multi Solutions Group“

ს/კ 404 902 771
ა/ა GE21 TB73 9533 6020 1000 01

დირექტორი: ერეკლე კალმახელიძე

